



Na osnovu Zaključka o usvajanju Uputstva o postupcima i kriterijima za odobravanje i dodjelu sredstava poticaja namijenjenih subvencioniranju troškova organizacije i izgradnje poslovnih zona na području Zeničko-dobojskog kantona, broj: 02-02-16292/15 od 27.8.2015. godine, Zaključka o usvajanju Programa utroška budžetskih sredstava od koncesija u 2015. godini, broj: 02-14-12699/15 od 4.6.2015. godine, donesenih od strane Vlade Zeničko-dobojskog kantona, Ministarstvo za privredu, raspisuje:

JAVNI POZIV

za prikupljanje zahtjeva za odobravanje i dodjelu finansijskih sredstava namijenjenih subvencioniranju troškova organizacije poslovnih zona na području Zeničko-dobojskog kantona

1. Pozivaju se općine Zeničko-dobojskog kantona, koje realiziraju projekte pripreme poslovnih zona, da podnesu Zahtjeve za odobravanje i dodjelu nepovratnih finansijskih sredstava osiguranih za subvencioniranje troškova izrade Studije opravdanosti osnivanja i uspostavljanja poslovne zone ili projektovanja poslovnih zona. Poslovne zone, u duhu ovog poticaja, su na jedinstven način upravljene uređene/neuređene zemljišne površine namijenjene za realizaciju poduzetničkih aktivnosti, odnosno objekata.

2. Pravo na korištenje poticaja imaju općine Zeničko-dobojskog kantona, koje uspostavljaju jednu ili više zona čije zemljište je ili će biti u isključivom vlasništvu općine, minimalne projektovane površine jedne zone 0,5 ha.

3. Realizacija poticaja:

I FAZA

Vrsta poticaja: IZRADA STUDIJE ILI PROJEKTA

Iznos poticaja: Maksimalni iznos poticaja je: 10.000,00 KM/zoni.

Iznos poticaja je 1.000,00 KM/dunumu projektovane zone.

Poticaj će biti realizovan nakon što općina dostavi uredan Zahtjev, te po donošenju Odluke Vlade Kantona o dodjeli istog.

Isplata sredstava će biti realizirana u dva koraka, odnosno, na sljedeći način:

KORAK 1.- Od ukupnog iznosa sredstava poticaja 50% iznosa biće isplaćeno po potpisivanju Ugovora o izradi Studije ili Projekta.

Uredan zahtjev sadrži originale ili ovjerene kopije:

- Katastarski ili gruntovni dokument o statusu zemljišta zone;
- Ugovor o izradi Studije ili Projekta.

KORAK 2.- Od ukupnog iznosa sredstava poticaja preostalih 50% iznosa biće isplaćeno po realizaciji Ugovora o izradi Studije ili Projekta.

Uredan zahtjev sadrži:

- Dokaz o urađenoj Studiji ili Projekatu.

U slučaju da općina realizira više od jedne Zone, obavezna je ispuniti iste uslove i kriterije kao kod realizacije za poticaj prve Zone.

4. Po uredno prispjelim Zahtjevima, ocjenu i mišljenje dati će Komisija Ministarstva za privredu, poštujući hronologiju prijema na Protokolu Kantona.

U slučaju da Komisija ocijeni da nisu ispunjeni svi uslovi za odobravanje poticajnih sredstava, Ministarstvo za privredu će Općini dostaviti Obavještenje o odbijanju zahtjeva.

5. Na osnovu Izvještaja o pozitivnoj ocjeni i mišljenju Komisije, Ministarstvo za privredu će predložiti Vladi Kantona donošenje Odluke o odobravanju i dodjeli sredstava poticaja namijenjenih subvencioniranju troškova organizacije poslovne zone, za svaki zahtjev pojedinačno.

Vlada Kantona može opozvati donesene Odluke zavisno od dinamike priliva budžetskih sredstava tokom cijele godine.

Na osnovu donesene Odluke o odobravanju subvencioniranja troškova organizacije poslovne zone, Ministarstvo za privredu će Ministarstvu finansija podnijeti Nalog za isplatu, odnosno refundaciju odobrenih sredstava poticaja.

6. Zahtjeve za odobravanje subvencioniranja troškova projektovanja i izgradnje poslovne zone, općine trebaju dostaviti na adresu:

ZENIČKO-DOBOJSKI KANTON
Ministarstvo za privredu
KOMISIJA ZA OCJENU ZAHTJEVA ZA ODOBRAVANJE I DODJELU POTICAJA KOD
POSLOVNIH ZONA
Kučukovići, br. 2, Zenica

7. Javni poziv ostaje otvoren 60 dana od dana objavljivanja u “Našoj riječi”, odnosno u razmatranje će se uzeti samo zahtjevi koji budu zaprimljeni na Protokolu Kantona najkasnije do 09.11.2015. godine do 16 sati.

Sve dodatne informacije mogu se dobiti na telefone Ministarstva za privredu: 032/460-720 i 032/460-721 ili telefax: 032/460-722 ili E-mail: min.privreda@zdk.ba, te na web stranici: www.zdk.ba.